

ZBULONI BUKURINË E TIJ NË 7 MINUTA
Pjesa 6 nga 7

Dr. Naxhi IBRAHIM

SHPALLJA E FUNDIT

Përktheu: Laureta Rexha

Redaktoi: Dr. Sedat Islami

AUTOR: DR. NAJI IBRAHIM/ EDITOR: ANN RONAYNE/ DIZAJNI: DR.WASEEM RIAZ

SHPALLJA E FUNDIT

Kurani i Madhërishëm është shpallja e fundit (Testamenti i Fundit), i shpallur nga Zoti (Allahu) Profetit Muhamed. Kurani është një kushtetutë hyjnore e zbritur për të rregulluar dhe udhëhequr jetën e njeriut. Ky libër flet me njohurinë e përsosur të Krijuesit mbi krijesat e Tij. Ai shpall të vërtetën dhe fton njerëzimin në rrugën e drejtë. Kurani përmban informata të rëndësishme rreth fatit njerëzor. Ai i edukon dhe i ngre njerëzit në nivelin më të lartë shpirtëror, moral, intelektual dhe shoqëror përderisa ata e kuptojnë atë dhe mundohen t'i praktikojnë mësimet e tij.

Kurani është mrekulli e përjetshme dhënë Profetit të fundit, Muhamedit, si dëshmi e profetësisë së tij; si e tillë, është unike dhe e pakrahasueshme. Ndonëse i shpallur 14 shekuj më parë, ende mbetet i paprekur dhe i pandryshuar edhe në ditët e sotme, në formën e tij origjinale, në gjuhën arabe.

Allahu thotë në Kuran se *“Sigurisht, Ne e kemi shpallur Kuranin dhe, sigurisht, Ne do ta ruajmë atë.”* (15:9)¹. Gjithashtu Allahu thotë në Kuran: **“Thuaj: “Sikur të tuboheshin të gjithë njerëzit dhe xhindet për të hartuar një Kuran të tillë, ata nuk do të mund të hartonin një të ngjashëm me të, madje, edhe sikur ta ndihmonin njëri - tjetrin.”** (17:88)

Në këtë broshurë do të doja të ndaja me ju disa nga rreshtat e bukur të oqeanit të pafund të Fjalës së Zotit dhe Urtësisë së Tij. Për të zbuluar më shumë rreth këtyre thesareve të bukura dhe të pastra të Fjalës së Zotit të vetëm të vërtetë, ju ftoj që ta lexoni ju vetë Kuranin. Mundohuni të gjeni një përkthim autentik; një të tillë mund ta gjeni në ndonjë nga faqet e besueshme islame online (ju lutem shikoni webfaqet Islamike të rekomanduara në fund të kësaj broshure).

¹ Përkthimi i kuptimeve të ajeteve është huazuar nga përkthimi i kuptimeve të Kur'anit nga Hasan ef. Nahi.

AJETET E BUKURA TË KURANIT

Në këtë broshurë do të doja të ndaj me ju disa nga rreshtat e bukur të oqeanit të pafund të Fjalës së Zotit dhe Urtësisë së Tij. Për të zbuluar më shumë rreth këtyre thesareve të bukura dhe të pastra të Fjalës së Zotit të vetëm dhe të vërtetë, ju ftoj që ta lexoni ju vetë Kuranin. Mundohuni të gjeni një përkthim autentik; një të tillë mund ta gjeni në ndonjë nga faqet e besueshme islame online (ju lutem shikoni webfaqet islamike të rekomanduara në fund të kësaj broshure).

Ne fakt, të gjitha ajetet e Kuranit janë Fjalët e Zotit. Le t'i lexojmë ato dhe të kënaqemi me disa nga tekstet e mrekullueshme të Kuranit Madhështor që zbulojnë pikëpamjen Islamike në lidhje me disa nga mësimet dhe konceptet kritike dhe domethënëse në Islam, sikurse:

- Zoti i vetëm i vërtetë (Teuhidi)
- Falja dhe shpëtimi
- Drejtësia
- Barazia
- Përbotshmëria dhe uniteti i mesazhit
- Allahu dhe i Dërguari i Tij
- Qetësia dhe xheneti
- Burri dhe gruaja (në Islam)
- Mësime të mëdha
- Të lejuarat dhe të ndaluarat

Një Zot i Vërtetë (Teuhidi)

“Allahu! Nuk ka zot tjetër të vërtetë përveç Atij. Ai do t’ju mbledhë në Ditën e Kiametit, për të cilën nuk ka dyshim aspak! E kush është në fjalë më i vërtetë se Allahu?” (4:87)

“Ky është Allahu, Zoti juaj. S’ka zot tjetër të vërtetë përveç Tij, Krijuesit të çdo gjëje, andaj adhuroni vetëm Atë! Ai është Mbikëqyrës i çdo gjëje!” (6:102)

“O njerëz! Kujtoni dhuntinë e Allahut për ju! A ka ndonjë krijues, veç Allahut, i cili ju furnizon nga qielli dhe Toka? S’ka zot tjetër të vërtetë përveç Tij. Atëherë, si po largoheni ju?” (35:3)

“I tillë është Allahu! S’ka Zot tjetër të vërtetë përveç Tij! Atij i takojnë falënderimet dhe lavdërimet në këtë jetë dhe në tjetrën! Vetëm Atij i përket vendimi dhe tek Ai do të ktheheni.” (28:70)

“Zoti i juaj është një Zot i vetëm! S’ka Zot tjetër (të denjë për adhurim), përveç Atij, të Gjithëmëshirshmit, Mëshirëplotit!” (2:163)

“Thuaj: Ai është Allahu, Një dhe i Vetëm! Allahu është Absoluti, të Cilit i përgjërohet gjithçka në amshim. Ai as nuk lind, as nuk është i lindur. Dhe askush nuk është i barabartë (a i krahasueshëm) me Atë.” (112:104)

“Ndërkohë që janë urdhëruar të adhurojnë vetëm një Zot, përveç të cilit nuk ka tjetër që meriton të adhurohet. I lartësuar qofte Ai mbi gjithçka që ja shoqërojnë (në adhurim).” (9:31)

Me të vërtetë, koncepti i pastër dhe i qartë i Njëshmërisë se Zotit (në Arabisht, *Teuhid*) është tema kryesore e Kuranit.

Falja dhe shpëtimi

“Thuaj: “O robërit e Mi, që i keni bërë keq vetes me gjynahe, mos e humbni shpresën në mëshirën e Allahut! Allahu, me siguri, i fal të gjitha gjynahet. Vërtet, Ai është Falësi i madh dhe Mëshirëploti.” (39:53)

Kur një njeri pendohet dhe kthehet tek Allahu, Allahu po ashtu kthehet kah robi i Tij me pranimit dhe falje. Po, Allahu i fal të gjitha mëkatet kur ne kthehemi tek Ai sinqerisht. Sa marrëveshje e mrekullueshme! *“...Pa dyshim, Allahu i do ata që pendohen fort (për gjynahet) dhe ata që pastrohen..” (2:222)*

Islami e konsideron Allahun si burim të paqes, mëshirës dhe faljes- jo si burim i urrejtjes, gjakderdhjes apo terrorizmit.

Në mënyre që ta fitosh shpëtimin dhe jetën e përjetshme, thjesht duhet të kthehesh kah Allahu duke besuar vetëm tek Ai dhe duke bërë punë të mira. Nuk ka nevojë që një person i pafajshëm të kryqëzohet apo të vritet për t'i fshirë mëkatet që kanë shkaktuar të tjerët. Islami i urdhëron praktikuesit e tij (muslimanët) t'i falin njerëzit. Kjo e sqaron shkurt konceptin e bukur të shpëtimit dhe faljes në Islam, që në të vërtetë është feja e mëshirës dhe faljes.

Drejtësia

“O besimtarë! Bëhuni të qëndrueshëm në urdhrat e Allahut dhe bëhuni dëshmues me drejtësi! Le të mos ju nxisë urrejtja ndaj njerëzve për të bërë padrejtësi. Bëhuni të drejtë, se kjo është më afër devotshmërisë dhe frikësojuni Allahut! Pa dyshim, Allahu është i Dijshëm për çdo gjë që punoni ju.” (5:8)

Islami na mëson të jemi të drejtë me këdo, qoftë ai mik apo armik, në të gjitha kohët, në paqe apo në luftë. Ai na mëson po ashtu që të sillemi me drejtësi dhe moral të pakushtëzuar, duke qenë të lirë nga tekat individuale apo nga ideja se vlerat morale ndryshojnë me kohë, për shkak të ndryshimeve sociale apo situatave kulturore.

“Allahu ju urdhëron që amanetet t’jua ktheni atyre që u përkasin dhe, kur të gjykoni midis njerëzve, të gjykoni drejt....” (4:58)

Si një manifestim praktik i bukurisë së tij dhe i vlerave të përhershme të mëshirës dhe drejtësisë, Islami na urdhëron t’i mbrojmë ato që dijetarët muslimanë i quajnë ‘Pesë Nevojat’, të cilat janë:

1. Feja
2. Shpirti
3. Mendja
4. Nderi (dinjiteti)
5. Paraja apo prona.

Në mënyrë të bukur, Kurani Madhështor thekson se nëse ndokush vret një njeri të pafajshëm, *“...nëse dikush shpëton një jetë, është sikur të ketë shpëtuar jetën e krejt njerëzve....” (5:32)*

Lidhur me lirinë dhe mbrojtjen e besimit, Kurani Madhështor thotë po ashtu: *“Në fe nuk ka dhunë...” (2:256)*

Kështu, Islami e nderon njerëzimin dhe nuk pranon që dikush të detyrohet ta përqafojë besimin. Kjo është e vërteta, bukuria, drejtësia, mirësia dhe toleranca e Islamit që duhet të tregojmë kur kemi të bëjmë me jomuslimanët. Në anën tjetër, Islami na urdhëron të jemi të ndershëm, objektivë dhe të drejtë kur t’i gjykojmë të tjerët. Le ta kujtojmë çka thotë Allahu në Kuranin e Madhërishëm: *“...bëhuni dëshmues me drejtësi! Le të mos ju nxisë urrejtja ndaj njerëzve për të bërë padrejtësi. Bëhuni të drejtë, se kjo është më afër devotshmërisë dhe frikësojuni Allahut!...” (5:8)*

Megjithatë, ekzistojnë udhëheqës politikë dhe fetarë të padrejtë, në mesin e tyre edhe shkrimtarë, historianë dhe njerëz të mediave, të cilët e akuzojnë Islamit dhe muslimanët për terrorizëm dhe thonë që Islami ishte përhapur nga shpata; po ashtu ka të atillë që padrejtësisht dhe pa mirësjellje e përshkruajnë Allahun, Zotin e vetëm të vërtetë, bashkë

me Profetin e Tij të fundit, Muhamed, me fotografitë, filmat dhe vizatimet më të këqija dhe më të shëmtuara.

Ndërkohë shiko këto pyetje:

- A është kjo domethënia e lirisë dhe në veçanti liri e shprehjes? A nuk ekziston një standard i dyfishtë kur bie fjala tek Islami dhe muslimanët? (Për shembull, përse termat 'terroristë të krishterë' apo 'terroristë hebrenj' nuk janë dëgjuar kurrë, edhe pse nuk ka mungesë të mizorisë së shkaktuar nga njerëz të këtyre besimeve?)
- A është çdokush i lirë të fyejë, mallkojë dhe përbuzë të tjerët dhe besimet e tyre apo t'i akuzojë ata të gjithë për terrorizëm?
- A është kjo mënyra se si qytetërimi, demokracia dhe liria u mësohen brezave të rinj në shkolla, kolegje dhe shoqërisë në përgjithësi?
- A është me të vërtetë shpata e Islamit ajo që bën kaq shumë meshkuj dhe femra kaq të mençur, objektivë, të sinqertë dhe mendjehapur anembanë botës që ta pranojnë Islamin në ditët e sotme? (Ka shumë libra, artikuj, tregime, webfaqe, video dhe materiale në media sociale që diskutojnë pse dhe si këta vëllezër dhe motra janë konvertuar në Islam. Për shembull, unë do të rekomandoja *Islam Our Choice: Portraits of Modern American Muslim Women*, edited by Debra L. Dirks and Stephanie Parlowe.)

Shënim: Përkundër përshkrimeve negative, media perëndimore raporton megjithatë se Islami është feja me rritjen më të shpejtë në botë. Andaj, përse Islami?

Barazia

“O njerëz! Në të vërtetë, Ne ju krijuam ju prej një mashkulli dhe një femre dhe ju bëmë popuj e fise, për ta njohur njëri-tjetrin. Më i nderuari prej jush tek Allahu është ai që i frikësohet më shumë Atij. Vërtet, Allahu është i Gjithëdijshtëm dhe për Atë asgjë nuk është e fshehtë.” (49:13)

Duke e pranuar këtë koncept ideal të barazisë në Islam, Profeti Muhamed tha në hutben e tij të fundit: *“O njerëz, Zoti juaj është vetëm një dhe babai juaj është vetëm një. Ju jeni të gjithë nga Ademi dhe Ademi është nga dheu. Një arab nuk ka përparësi para një joarabi dhe as një joarab nuk është më i ngritur se një arab. I bardhi nuk ka përparësi ndaj të ziut dhe as i ziu nuk ka përparësi ndaj të bardhit. Ju jeni të gjithë të barabartë. Askush nuk ka përparësi para të tjerëve përveçse me devotshmëri dhe sjellje të mirë.”*

- Islami na mëson të mos i urrejmë dhe diskriminojmë të tjerët në bazë të racës, ngjyrës së lëkurës apo kombësisë.
- Islami është zgjidhje praktike për largimin e konfliktit racor që njeh bota.

Në Islam të zinjët dhe të bardhët janë vëllezër dhe motra në të njëjtën racë njerëzore. Ne të gjithë kemi lindur nga i njëjti baba, Ademi, i cili ishte i krijuar nga dheu; kështu, ne të gjithë jemi nga toka dhe do të kthehemi prapë në të e do të shndërrohemi në dhë sërish.

Ky mësim i rëndësishëm vjen nga thëniet e mësipërme nga Kurani dhe hutbja e fundit e Profetit. Përse disa njerëz ndiejnë krenari të rreme apo veprojnë me arrogancë ndaj të tjerëve?

Gjithanshmëria dhe uniteti i Mesazhit

“Thoni: “Ne besojmë në Allahun, në atë që na është shpallur neve (Kuranin), në atë që i është shpallur Ibrahimit, Ismailit, Is’hakut, Jakubit dhe Esbatëve (12 bije të Jakubit), në atë që i është dhënë Musait e Isait dhe në atë që u është dhënë profetëve nga Zoti i tyre. Ne nuk bëjmë kurrfarë dallimi midis tyre dhe vetëm Allahut i përulemi”.” (2:136)

Muslimanët i duan dhe i besojnë të gjithë Profetët e Zotit, duke përfshirë Ademin, Nuhun, Ibrahimin, Ismailin, Isakun, Jakubin, Musain, Isain dhe Muhamedin (paqja dhe bekimet e Allahut qofshin mbi të gjithë).

Profeti Muhamed (paqja qoftë mbi të) ka thënë: *“Unë jam më i afërti nga njerëzit me Isain, djalin e Mejremes, sepse nuk ka pasur Profet tjetër mes tij dhe meje. Profetët janë vëllezër; nënat e tyre janë të ndryshme, por feja e tyre është një.”*

CILA ËSHTË FEJA UNIVERSALE, E VËRTETË E TË GJITHË PROFETËVE TË ZOTIT?

AJETE TJERA PËR TË MENDUAR RRETH TYRE

Bukuria, ëmbëlsia dhe pastërtia e Kuranit të Madhërisëm është e pafund, ndaj më lejo që thjesht të përmend disa ajete kuranore pa ndonjë koment. Do të doja që të meditosh dhe mendosh rreth tyre. Mundohu t’i zbulosh vetes më shumë thesare nga Testamenti i Fundit, Kurani.

Allahu dhe i Dërguari i Tij

“Allahu është Ai që ka dërguar të Dërguarin e Tij, (Muhamedin) me udhëzim dhe fe të vërtetë.” (48:28); “Muhamedi nuk është babai i asnjërit prej burrave tuaj, por (ai është) i Dërguari i Allahut dhe Profeti i fundit. Dhe Allahu është i ditur për gjithçka.” (33:40)

Qetësia dhe Xheneti

“Allahu është Ai që ka sjellë qetësinë në zemrat e besimtarëve, që atyre t’u shtohet besimi edhe më shumë... Që Ai t’i dërgojë besimtarët dhe besimtare të kopshtet poshtë të cilëve rrjedhin lumenjtë, duke qenë aty përgjithmonë, duke ua larguar atyre të këqijat- dhe në sy të Allahut, kjo është arritja e madhe.” (48:4-5); “O ti shpirt i qetë, kthehu te Zoti yt, ti i kënaqur dhe Ai i kënaqur me ty, dhe hyr në mesin e robërve të Mi të mirë dhe hyr në xhenetin Tim.” (89:27-30)

Meshkujt dhe femrat në Islam

“Vërtet, për muslimanët dhe muslimanet, besimtarët dhe besimtares, të dëgjueshmit dhe të dëgjueshmet, të singertët dhe të singertat, të durueshmit dhe të durueshmet, të përlulurit dhe të përlulurat, bamirësit dhe bamirëset, agjëruesit dhe agjërueset, të ruajturit dhe të ruajturat, shumëpërmendësit e Allahut dhe shumëpërmendëset e Allahut- për ta Allahu ka përgatitur falje dhe shpërblim të madh.” (33:35)

“Dhe kushdo që bën punë të mira, qoftë mashkull apo femër, duke qenë besimtar- ata do të hyjnë në xhenet.” (4:124)

Mësime të mëdha

“Dhe nxito në falje prej Zotit tënd dhe për një xhenet në gjerësi sa qiejt e toka, i përgatitur për të mirët, të cilët shpenzojnë (në rrugën e Allahut) gjatë lehtësisë dhe në vështirësi dhe që e përmbajnë hidhërimin dhe i falin njerëzit- dhe Allahu i do ata që bëjnë mirë; dhe ata që nëse bëjnë imoralitet apo i bëjnë keq vetes, e përmendin Allahun dhe kërkojnë falje për mëkatet e tyre-dhe kush i fal mëkatet pos Allahut? Dhe -(ata) që nuk vazhdojnë më në atë që e dinë se kanë bërë keq- për ata shpërblimi i tyre është falja nga Zoti i tyre dhe kopshtet poshtë të cilave rrjedhin lumenjtë (në xhenet), aty do të qëndrojnë përgjithmonë. Sa i mirë është shpërblimi i punëmirëve.” (3:133-136)

Të lejuarat dhe ndalesat

“...Mos adhuro dikë tjetër pos Allahut dhe bëju mirë prindërve dhe të afërmve, jetimëve, nevojtarëve dhe njerëzve thuaju fjalë të mira...” (2:83)

Përkujtimi dhe pushimi

“Ata që kanë besuar dhe zemrat e të cilëve qetësohen me përmendjen e Allahut. Pa dyshim, me përmendjen e Allahut zemrat qetësohen.” (13:28)

Të vërtetat, dobitë dhe mrekullitë e Kuranit të Madhërishtëm nuk kanë fund. Sa më shumë që e lexon, më shumë do të zbulosh dhe çdoherë ndien sikur po e lexojmë atë për herë të parë. Kurani ka shumë aspekte mahnitëse brenda tij, duke përfshirë mrekullitë e tij autentike, përsosmërinë gramatikore, njohurinë shkencorë dhe ilaçet mjekësore, të cilat nuk i kam diskutuar këtu në mënyrë që ta mbaj këtë broshurë të vogël.

A JE ENDE KURESHTAR?

Nëse je kureshtar dhe i/e interesuar të zbulosh më shumë informata dhe detaje rreth Islamit, ju lutem vizito webfaqen tonë: www.discoveritsbeauty.com

Ndihuni të lirë të na dërgoni me e-mail pyetjet dhe kritikrat tuaja në: info@discoveritsbeauty.com

SERITË E 'ZBULOJE BUKURINË E TIJ NË 7 MINUTA'

WEBFAQET E DOBISHME ISLAME

- | | |
|--|---|
| 1) Vetëm maja e ajsbergut | http://www.allahsquran.com |
| 2) Feja e Ademit dhe Havasë | http://www.quranexplorer.com |
| 3) ABC-ja e Islamit | http://www.islamhouse.com |
| 4) Përgjigje ndaj pyetjeve madhore të njerëzimit | http://www.edialogue.com |
| 5) Emrat e Tij të bukur | http://www.islamreligion.com |
| 6) Shpallja e fundit | |
| 7) I Dërguari i fundit | http://www.newmuslimguide.com |

DËSHMIA E BESIMIT HYRJA NË ISLAM

“Dëshmoj se nuk ka Zot tjetër pos Allahut dhe dëshmoj se Muhamedi është i Dërguari i Allahut.”

Në arabisht lexohet:

أشهد أن لا إله إلا الله
وأشهد أن محمدا رسول الله

që në shqip tingëllon sikurse më poshtë:

ESH-HEDU EN LA ILAHE IL-LA ALLAH,
VE ESH-HEDU ENNE MUHAMMEDEN RESULULLAH!

Kjo është dëshmia e besimit që duhet të deklarojmë në mënyrë që të përqafojmë Islamin; ajo përmbledh të vërtetën, bukurinë dhe thjeshtësinë e Islamit.